



Jumat, 09 Pebruari 2024
Ogen : Perb. Rasul 1:24



Erpenggurun Man Tuhan



Milih pemimpin e me sada dahin si mbelin ras mulia. Pemimpin merenkeun ngaruh nandang kalak siipinpinna. Adi pemimpin e mehuli tentuna kalak si ipinpinna pe reh ulina kegeluhenna. Tapi adi pemimpin e la meteh mehuli, maka kegeluhen siipinpinna pe reh murdena. Bas Padan Si Mbaru terkhusus i bas ogenta wari enda pe nuriken kerna pemilihan pemimpin guna ngelai i tengah-tengah perpulungan si pemena. Kai-kai saja silakoken perpulungan e sope nentukan pilihenna? Ertoto... Arah pertoton perpulungan e iakuina maka Tuhan simetehsa kerinana. Adi manusia terjeng kai siidahna ngenca ietehna, tapi Tuhan e seh ku pusuh manusia pe tangkas ietehna. La lit si terligen, la lit si terbuni iadep-adepen manusia. sura-sura, si lit i bas pusuh aminna pe langa ituriken manusia e enggo leben ieteh Tuhan. Alu bage Tuhan e ngenca metehsa kerinana. Kiniteken enda igelem perpulungan, e maka guna nentukan ise si man pilihan pe ersukuten ia man Tuhan. Ibahanna Tuhan e sinuduhken apai kin si sentudu ras sura-suraNa jadi pemimpin e, sabap pilihan Tuhan pasti pilihan si mehulina.

Lima wari nari silakoken me pemilihan pemimpin i tengah-tengah bangsata Indonesia enda. Pemilihan e bagin si penting guna kiniulin rakyat sirulo. Calon-calon si man pilihan mbue, foto-fotona pe ijah i je teridah. Maun bingung kita apai nge ndia si man pilihan. Bagi perpulungan si pemena erpenggurun man Dibata, oratna pe kita moria si malang man Dibata ertotolah, sungkun Dibata apai si sentudu ras singena ateNa, simereken dirina guna ngelai. Pelajari perdalanan geluh calon pemimpin e, dingentotokenlah alu tutus. Ula kel min "bagi nukur kucing bas guni", labo sieteh, labo sitandai (sipelajari) kerna visi misina, apai si ku rumah e tustus piahna erkadiola la lit gunana. Milih pemimpin dahin si mulia kap, lakokenlah alu kiniteken.

☞ *"Ertoto sope milih biak ngeluh kalak sierkiniteken"*



